

मंज़ुल्य् बाँथ

Source: '**manzûl' bâth**'.

Publication of Jammu & Kashmir Academy of Art, Culture & Languages,
Srinagar. Edition - 1990

Transformed into Devanagari-Kashmiri script by M.K.Raina

Work completed on 13 June 2005.



M.K.Raina

(१)

अल्लाह गूर, अल्लाह गूर

अल्लाह गूर, अल्लाह गूर
अल्लाह गूर, अल्लाह गूर
वँदिथ लँजी सँदरु गूर
अल्लाह गूर, अल्लाह गूर
ख्वदॉय वँरियो बलाय दूर
अल्लाह गूर, अल्लाह गूर
ख्वदॉय दिचुयो उमर पूर
अल्लाह गूर, अल्लाह गूर
कनन गरय स्वनु सँद्य दूर
अल्लाह गूर, अल्लाह गूर
बुथिस नूर ड्यकस नूर
अल्लाह गूर, अल्लाह गूर
चु छख म्यॉन्य र्वपय कूर
अल्लाह गूर, अल्लाह गूर
चु छख पँरी चु छख हूर
अल्लाह गूर, अल्लाह गूर
गोबरो चु छिहम स्वनु गोबूर
अल्लाह गूर, अल्लाह गूर
सुले फोलुम गुले दूर
अल्लाह गूर, अल्लाह गूर
ओनुमय द्बुर, गोरुमय दूर
अल्लाह गूर, अल्लाह गूर
चु छुख म्यान्यन अँछन नूर
अल्लाह गूर, अल्लाह गूर
वंदय जिगर पनुन पूर

अल्लाह गूर, अल्लाह गूर
वँदिथ दिमय हंगल त्यूर
अल्लाह गूर, अल्लाह गूर
अल्लाह गूर, अल्लाह गूर
अल्लाह गूर, अल्लाह गूर

(२)

हो हो बु करुयो अडु कले

दूद चतो दामु दामु गलि गले
हो हो बु करुयो अडु कले
ल्वलि मंज बु ललुवथ मनकु फले
हो हो बु करुयो अडु कले
तलु पातालय ड्यूंतुम ख्वाब
ख्वाबु मँज्य कुचाह गँयस बेताब
नागु प्यठु रँटुस नारु वुजमले
हो हो बु करुयो अडु कले
बाबु म्योन यँद्राजु शाह कौंजी
कस वनु अजलन दिचुम बाँजी
पूशुस नु अजलुनि हांकले
हो हो बु करुयो अडु कले
लानि क्याह ओसुम योर आयस
दायि तोन करने क्रानि द्रायस
रछिथो ख्वनि ख्वनि मंजले
हो हो बु करुयो अडु कले
दूद चतो दामु दामु गलि गले
हो हो बु करुयो अडु कले

(३)

छृनिथ र्वनि मंज़लिस करय गूर गूर

छृनिथ र्वनि मंज़लिस करय गूर गूर
शांद दिमय शांदु गौंड तु ज़रबाफ वूर
छृनिथ र्वनि मंज़लिस करय गूर गूर
थनु येलि प्योहम अडु रातन
ज़ातुक ल्यूखुनय शिव नाथन
वुछमयो ज़ातुकस छय वुम्बुर पूर
छृनिथ र्वनि मंज़लिस करय गूर गूर
बब चोन यँद्राज़ु माँज यँबुरज़ल
वथरुन त्रावयो फर्श मखमल
अँलुरुनि अनुयो जनतुची हूर
छृनिथ र्वनि मंज़लिस करय गूर गूर
बब चोन ओसुम बोड पेशकार
कश्मीर मंडलुक तँहसीलदार
बख्तु चानि लोदुनमो तख्त लोहूर
छृनिथ र्वनि मंज़लिस करय गूर गूर

(४)

बु गूर गूरय करॉयो

हटि के लॅदरु तु कनु के दुरो
बु गूर गूरय करॉयो
ड्यकु बजि माजि हुंदि पोत्रय हूरो
योत कॅम्यु हॉवनय मे निश वथ
द्वदय बायव कौरुय कसूरो
बु गूर गूरय करॉयो
यनु बालि गोहम च्युय गरि नीरिथ
तनु नो फीरिथ आहम ज़ांह
नेदुरे हच्चि मे फोरहम चूरो
बु गूर गूरय करॉयो
बु ति हा ऑसुस जनतुच हूरो
लॉन्यु चूरन कॅरुम मच्चि गांगल
ख्वनि हो ललुवथ यावन चूरो
बु गूर गूरय करॉयो

(५)

गूर गगरायन गूर गगरायन

नालस वछुयो मालु दोरायन
गूर गगरायन गूर गगरायन
त्रे तु बेयि चान्यन यिमन दूदु बायन
गूर गगरायन गूर गगरायन
मखर्मल्यु जोर छुय च्वंजु तय दायन
गूर गगरायन गूर गगरायन
फेरनि तिमु थव खलवख शायन
गूर गगरायन गूर गगरायन
रोछुनखो नूरुदीन सौबुन्यु सायन
गूर गगरायन गूर गगरायन
जोरस गाह द्युत स्वनु मुलु मायन
गूर गगरायन गूर गगरायन
नालस वछुयो मालु दोरायन
गूर गगरायन गूर गगरायन

(६)

करयो गूर गूरो

शाहु म्यानि बोहदूरो
करयो गूर गूरो
माजि येलि प्योख थनय
गाह प्यव हेरि ब्नय
कथि मे थव तु कनय
करयो गूर गूरो
प्वफि येलि रोदुख क्वछय
बरिनय र्वपयि म्वछय
द्युतुनय र्वपयि लछय
करयो गूर गूरो
मासि येलि ह्योतुनख क्वछय
बरिनय खासु म्वछय
यितमो जून पछय
करयो गूर गूरो
द्रायस लबि पॅती
वुछमय पोशि पॅती
दिल गोम मॅत्य् मॅती
करयो गूर गूरो
द्रायस बागु मँजी
वुछनस बागवॉनी
स्वय छम शरमँदी
करयो गूर गूरो
शामु रंगु बोहदूरो
करयो गूर गूरो

(७)

बोज़ू बु क्याह वनयो

रोज़ू लालो रोज़ू लालो
बोज़ू बु क्याह वनयो
लालु म्याने शुर्य खयालो
बोज़ू बु क्याह वनयो

रोज़ू लालो रोज़ू लालो
बोज़ू बु क्याह वनयो
अनंत नागय र्वनि मंजुला
चानि पुछे अनुनावुयो
मंजुलिस मंज गूर करयो
दूर कन अँलरावयो

दरु हँद्यन छय कोरि हना
स्वय च्चे किच्च अनुयो
तिम हा दिनम मोहरु लछा
स्वय बु शेछ वनुयो

रोज़ू लालो रोज़ू लालो
बोज़ू बु क्याह वनुयो

(८)

व्वलु हो करय व्वलु हो करय

व्वलु हो करय व्वलु हो करय
व्वलु हो करय व्वलु हो करय
यॅज़मनु गम क्या छुय दिलस
एहसान कॅरिनय मुश्किलन
तमि डेडि तलु के रहबरो
व्वलु हो करय व्वलु हो करय
श्वनिदार र्वनि दामानु गंड
प्रंग शेर रुत सामानु गंड
बरु अछु तु नतु मा गछु बरय
व्वलु हो करय व्वलु हो करय
तार नावि दियि असि तारु वोल
बाकी बहाना मॉज तु मोल
ड्यकु आसि तेलि म्वखताबरय
व्वलु हो करय व्वलु हो करय

(९)

गूर गूर करुयो लॅजियो मॉजी

गूर गूर करुयो लॅजियो मॉजी
कनु दूर गरुयो लॅजियो मॉजी
गूर गूर करुयो लॅजियो मॉजी
सुबहुकि सिरियो लॅजियो मॉजी
गूर गूर करुयो लॅजियो मॉजी
स्वन र्वफ गरुयो लॅजियो मॉजी
गूर गूर करुयो लॅजियो मॉजी
खिरु खॉस्प् बरुयो लॅजियो मॉजी
गूर गूर करुयो लॅजियो मॉजी

(१०)

हो हो हो हो करॉय

हो हो हो हो करॉय
हो हो हो हो करॉय
स्वनु सुंदर दूर गरॉय
आयिखय सोन गरॉय
हो हो हो हो करॉय
वदु वद बु नय ज़रॉय
गूर गूर मंज़लिस करॉय
हो हो हो हो करॉय
मोदुर्य वचन परॉय
गूर गूर मंज़लिस करॉय
हो हो हो हो करॉय
ड्यकस चूनि जरॉय
दूरन म्वख्तु बरॉय
हो हो हो हो करॉय

(११)

वला वला रायो क्वलि वुज़ि पोनी

वला वला रायो क्वलि वुज़ि पोनी
वला वला रायो क्वलि वुज़ि पोनी
साँबुनि ज़्यनु आव वेथि वेथि वोनी
वला वला रायो क्वलि वुज़ि पोनी
जातुक ल्यखनि ओय सूरु ग्वसोनी
वला वला रायो क्वलि वुज़ि पोनी
नाँल्यु त्रोट गरुयो अर्दाह दोनी
वला वला रायो क्वलि वुज़ि पोनी
च्योन क्युत ओनुमय गंगु गंगु वोनी
वला वला रायो क्वलि वुज़ि पोनी
वला वला रायो क्वलि वुज़ि पोनी

(१२)

म्वमय यँडिस लगॉयो

मॉज हा गँयी गुयन गेडिस
म्वमय यँडिस लगॉयो
हमसायि गरु गँयि गुरस्य् चँडिस
म्वमय यँडिस लगॉयो
मॉज हा गँयी गुयन गेडिस
म्वमय यँडिस लगॉयो
हृदय बब गोम पंजाब कुनुय
अँनी च़े क्युत म्वलुल थान
ओड थवि अँती तय जोर सुवि अँडिस
म्वमय यँडिस लगॉयो
मॉज हा गँयी गुयन गेडिस
म्वमय यँडिस लगॉयो

(१३)

ब्व लॅल्य् लॅल्य् करॉयो

अंजुलि ओनुमय मंजुल मॅली
ब्व लॅल्य् लॅल्य् करॉयो
दुकानु अँनिमय किताबु मॅली
ब्व लॅल्य् लॅल्य् करॉयो
अनंत नागु अँनिमय रंगु दूज मॅली
स्वनु सुंद कलम गरॉयो
अँछर चॉप्य् छम म्वख्तय पॅली
ब्व लॅल्य् लॅल्य् करॉयो
वेजि ब्रारि अँनिमय रंगु ख्राव मॅली
पाँट्य पुशठ करॉयो
ब्व लॅल्य् लॅल्य् करॉयो

(१४)

हो करॉयो ठोकरो

हो करॉयो ठोकरो
हो करॉयो ठोकरो
ज़ालायि हुंदि नोकरो
हो करॉयो ठोकरो
तँस्य् प्यठ कर तवकलो
हो करॉयो ठोकरो
राजि रेनि हुंदि नोकरो
हो करॉयो ठोकरो
लक्ष्मी दियि रुत्य् फलो
हो करॉयो ठोकरो
ज़ातुकस छी थँद्य बलो
हो करॉयो ठोकरो
कँम्य् च्चे कँरनय गांगलो
हो करॉयो ठोकरो
ज़ियि नेरहम बुलबुलो
हो करॉयो ठोकरो
रँन्य् अनुनय वुज़मलो
हो करॉयो ठोकरो
हो करॉयो ठोकरो

(१५)

वुठन लगय वुठॉनिये

वुठन लगय वुठॉनिये
टॉक्य म्यॉनी पठॉनिये
कोनय छिहम व्यठॉनिये
वुठन लगय वुठॉनिये
निन्दुर च्चे नय यिवॉनिये
दूद गलि गलि चवॉनिये
टॉक्य म्यॉनी पठॉनिये
वुठन लगय वुठॉनिये
गिंदनु चु छख दवॉनिये
बाज़रु मंजुल ह्यवॉनिये
वुठन लगय वुठॉनिये
हिकट करान ग्यवॉनिये
दूदा बता ख्यवॉनिये
वुठन लगय वुठॉनिये
निंदुर च्चे नय प्यवॉनिये
मँज़िलि लोलय नच्रॉनिये
टॉक्य म्यॉनी पठॉनिये
कोनय छिहम व्यठॉनिये
वुठन लगय वुठॉनिये

(१६)

व्वला निकु बु हा लगय, ताम शौंगू सावथ

व्वला निकु बु हा लगय, ताम शौंगू सावथ
डैडी छुय अफसर सु हा गोवुय दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
मॅमी छयो अफसर स्व हा गॅयी दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
बाँय लालु छुय अफसर, सु हा गोवुय दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
बाबी छयो अफसर, स्व हा गॅयी दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
मासु टाँठ छयो अफसर, स्व हा गॅयी दफतर
योतां तोरु वापस यियी तोतां सुलुनावथ
व्वला निकु बु हा लगय, ताम शौंगू सावथ
व्वला निकु बु हा लगय, ताम शौंगू सावथ

(१७)

निंदरे ज्वलाह दिताँसे

निंदरे माँजी यिताँसे
निंदरे ज्वलाह दिताँसे
निंदरे माँसे यिताँसे
निंदरे ज्वलाह दिताँसे
बु हो वंदय पान च्ने
पनुन जुव तु जान च्ने
आया तु बता दिताँसे
निंदरे ज्वलाह दिताँसे
निंदरे मामुन्य दिताँसे
निंदरे बेने यिताँसे
निंदरे ज्वलाह दिताँसे
निंदरे माँजी यिताँसे
निंदरे ज्वलाह दिताँसे

(१८)

द्वदय वुठन लगॉयो

मोल हो गोवुय गामन गुठन
द्वदय वुठन लगॉयो
फर्श थोवुनय वॅरिथ कुठ्यन
द्वदय वुठन लगॉयो
द्यद हो गॅयी गामन गुठन
द्वदय वुठन लगॉयो
मोल गोवुय गामन गुठन
द्वदय वुठन लगॉयो

(१९)

म्यानि निंदरे हति लो

म्यानि निंदरे हति लो
गूर करुयो स्वति लो
म्यानि निंदरे हति लो
आख म्याने वति लो
म्यानि निंदरे हति लो
हो करुयो दशि मति लो
म्यानि निंदरे हति लो
बब गोवुय लति लो
म्यानि निंदरे हति लो

(२०)

म्यानि डखलो तु छॉग्यलो

म्यानि डखलो तु छॉग्यलो
म्यानि डखलो तु छॉग्यलो
छॉगिस फॅलिलाह मलयो
यॅज़मनुने छॉग्यलो
म्यानि डखलो तु छॉग्यलो
म्यानि डखलो तु छॉग्यलो
ख्वजि सॉबुनि छॉग्य लो
छॉगिस अँतराह मलयो
म्यानि डखलो तु छॉग्यलो
म्यानि डखलो तु छॉग्यलो
राजि रेनि हुँदि छॉग्यलो
छॉगिस अदफर मलयो
म्यानि डखलो तु छॉग्यलो
म्यानि डखलो तु छॉग्यलो
यॅज़मन बायि हुँदि छॉग्यलो
छॉगिस मनकाह मलयो
म्यानि डखलो तु छॉग्यलो
म्यानि डखलो तु छॉग्यलो

(२१)

बेदार गछतो निंदरे

मति दूद चतो दूरिये
बेदार गछतो निंदरे
लालु छुमय व्वडु नोन पकान
मे छमय वॉलिंज दज़ान
नाव सोज़सय तूर्यये
बेदार गछतो निंदरे
यार गोम शालुमॉर ताम
मे कोरुन मंदिन्यन शाम
तति छे कोतर जूरिये
बेदार गछतो निंदरे
कमि वति लारस बाल
वनुहस पनुनुय हाल
सालु यियिना यूर्यये
बेदार गछतो निंदरे

(२२)

खनि खनि ओसूमय

लाल छुमय माँसूमय
खनि खनि ओसूमय
गरि गरि गोछूमय
लाल छुमय माँसूमय
बागु बागु छोरूमय
लाल छुमय माँसूमय
वति वति गोरूमय
लाल छुमय माँसूमय
कथि प्यठ रूठूमय
दूरि दूरि ब्यूठूमय
लाल छुमय माँसूमय
ज़ॉजिनस बाल गमय
तस कति वॅन्य् दिमय
लाल छुमय माँसूमय
खनि खनि ओसूमय

(२३)

गूर करुये, गूर करुये

गूर करुये, गूर करुये
यँद्राज़ुन्य् कूर करुये
गूर करुये, गूर करुये
दिला रामुन्य् कूर करुये
गूर करुये, गूर करुये
शोक स्वंदर कूर करुये
स्व छय कॉन्य्, बु क्या करुये
गूर करुये, गूर करुये

(२४)

दूर दौन्य दूर दौन्य

गूर रौन्य गूर रौन्य
दूर दौन्य दूर दौन्य
हौर म्यौनी नुंदु बौन्य
दूर दौन्य दूर दौन्य
प्रेथुवुन्य मान मौन्य
दूर दौन्य दूर दौन्य
प्रेन्य ज़न शीनु मौन्य
दूर दौन्य दूर दौन्य
बख्तु बँड कूर सौन्य
दूर दौन्य दूर दौन्य
हौर्य तापु रूदु श्रौन्य
दूर दौन्य दूर दौन्य
गुलि यठि स्वनु दौन्य
दूर दौन्य दूर दौन्य
गूर रौन्य गूर रौन्य

(२५)

ख्वनि करुयो र्वनि मंजोलये

ख्वनि करुयो र्वनि मंजोलये
खानु माल्यो बरुयो लोलये
निकु लालु बरुयो लोलये
चानि बापथ छुम गछान होलये
यिवनुके बरुयो लोलये
ख्वनि करुयो र्वनि मंजोलये
मे छु तमना चोन यच्चकोलये
आदनुके बरुयो लोलये
निकु लालु बरुयो लोलये
ख्वनि करुयो र्वनि मंजोलये
ल्वलि ललवथ च्रलिहेम लोलये
ख्वनि करुयो र्वनि मंजोलये
खानु माले बरुयो लोलये
चानि बापथ छुम गोमुत होलये
ख्वनि करुयो र्वनि मंजोलये

(२६)

कति ओसहम करार छुयो

कति ओसहम करार छुयो
कति ओसहम करार छुयो
रुवनि ग्वडन बेनि लँजियो
कति ओसहम करार छुयो
क्वच्छि नाबद तु प्वफ लँजियो
कति ओसहम करार छुयो
खासु वथरय तु मास लँजियो
कति ओसहम करार छुयो
बागु अँदरय नाग वुज़ियो
कति ओसहम करार छुयो
थरि मसवल तु ही पँजियो
कति ओसहम करार छुयो
असि क्यमखाबु तन वँजियो
कति ओसहम करार छुयो
कति ओसहम करार छुयो

(२७)

नाद लायय हो कॅर्य कॅर्य

स्वनु फलि म्यानि लडरे दूको
नाद लायय हो कॅर्य कॅर्य
राज़ु आंगन गिंदान छूखो
नाद लायय हो कॅर्य कॅर्य
राज़ु बायव मॅल्य् ह्योतूखो
नाद लायय हो कॅर्य कॅर्य
मॅल्य् ह्यथ च़ु रज़ि खोतूखो
नाद लायय हो कॅर्य कॅर्य
रज़ि तौरिथ हटि गोंडूखो
नाद लायय हो कॅर्य कॅर्य
हटि लॉगिथ प्रज़लान छूखो
नाद लायय हो कॅर्य कॅर्य

(२८)

करुयो हो तय हो

स्वनु म्वलु ह्योतमख कनु दूर गरुयो
करुयो हो तय हो
रुवनि दामानस लाल हो जरुयो
करुयो हो तय हो
थनु यनु प्योहम यावुन आमो
बामुन द्रामो लंजि बबरे
असुवुनि बुथि छुख लस तम सिरुयो
करुयो हो तय हो
बब यँद्राज़न मंजुलाह गोरुनय
जोर ह्यथ वॉती मातामाल
वीद तय गीता ब्रोंह कनि परुयो
करुयो हो तय हो

(२९)

करू माँज लँजियो हो तय हो

छ्वपु करू छ्वपु करू र्वपु नरि गरुयो
करू माँज लँजियो हो तय हो
सँखी सुंदि गोबुरो तँकिया बरुयो
करू माँज लँजियो हो तय हो
राजि सुंदि गोबुरो वाजि अथु गरुयो
करू माँज लँजियो हो तय हो
छ्वपु करू छ्वपु करू र्वपु नरि गरुयो
करू माँज लँजियो हो तय हो
प्वफि हुंदि टाठ्यो चपकल गरुयो
करू माँज लँजियो हो तय हो
पेतरु सुंदि गोबुरो अँत्रि तन मलुयो
करू माँज लँजियो हो तय हो
मामु सुंदि जिगरो शामु नाव करुयो
करू माँज लँजियो हो तय हो
छ्वपु करू छ्वपु करू र्वपु नरि गरुयो
करू माँज लँजियो हो तय हो

(३०)

दूर बलायि चॅजियो

दूर बलायि चॅजियो
मॉज बलायि लॅजियो
मोल गोवुय गामन
सु हो यियी शामन
तॅमिस बलायि चॅजियो
मास बलायि लॅजियो
बु हो सुवय अतलास
चंदस त्रावय र्वपयि सास
सुत्त्य् ड्यकु बजीयो
दूर बलायि चॅजियो
मॉज बलायि लॅजियो
दूर बलायि चॅजियो
सोन छुख शेर ताज
ड्यकु बड्यो करु राज
बाज़ ज़ेनुन्त् तॅजियो
दूर बलायि चॅजियो
ही थॅरा फॉजियो
दूर बलायि चॅजियो
बेनि बलायि लॅजियो
दूर बलायि चॅजियो

(३१)

द्वदु बाछन लगुयो

द्वदु बाछन लगुयो
द्वदु बाछन लगुयो
मोज गॅयी कपसि काछन
द्वदु बाछन लगुयो
स्व छय ख्वनि ख्वनि रछन
द्वदु बाछन लगुयो
म आस वदन म आस तछन
द्वदु बाछन लगुयो
मोज गॅयी कपसि काछन
द्वदु बाछन लगुयो
स्व छय बॉर करन बाछन
द्वदु बाछन लगुयो
नहर्य ह्यथ गॅयि मकायि रॉछन
द्वदु बाछन लगुयो
ग्रंद छय करन सास लछन
द्वदु बाछन लगुयो
मोज गॅयी कपसि काछन
द्वदु बाछन लगुयो
द्वदु बाछन लगुयो
द्वदु बाछन लगुयो

(३२)

पनुन्य् कूर्य लगॉये

बागुच बबुर्य तबाशीरी
पनुन्य् कूर्य लगॉये
पनुन्य् कूर्य आयख यूर्य
पनुन्य् कूर्य लगॉये
बबन सगवी ग्वलाब डूरी
रंबुल्य् मस्तस जरॉये
रथ हय वंदय लॉवी मूरी
पनुन्य् कूर्य लगॉये
माजि हय अँनिनय फँलिलु टूरी
अँज़िनि गर्दनि मलॉये
बोय ह्यथ आयख रोज़नि यूरी
पनुन्य् कूर्य लगॉये
मे चानि हावसु ज़ु डूर्य चूरी
फँजुख सुली तु लगॉये
अनंत नागुच रंगय ज़ूरी
पनुन्य् कूर्य लगॉये

(३३)

रँछिनय मौला बेयि हक ताला

अल्ला अल्ला रँछिनय मौला
रँछिनय मौला बेयि हक ताला
अल्ला अल्ला रँछिनय मौला
अल्ला अल्ला अल्ला अल्ला
रछथव ल्वलि तु वंदुयो कला
अल्ला अल्ला रँछिनय मौला
अल्ला अल्ला अल्ला अल्ला
मामन गोरुयो र्वपु चीन्य् प्याला
अल्ला अल्ला रँछिनय मौला
रँछिनय मौला बेयि हक ताला
अल्ला अल्ला अल्ला अल्ला
रछथव ल्वलि तु वंदुयो कला

(३४)

अँछन बुक़ आयि यो

अँछर वालन छयो दुक़
अँछन बुक़ आयि यो
नुंद लालो हुक़ हुक़
अँछन बुक़ आयि यो
बब छुय गोमुत हबस पतु
द्यद छस वतु वुछानय
सुली द्राव हुक़ हुक़
अँछन बुक़ आयि यो
अपोर आंगन गँयोहम
मासि पनुनि नियोहम
स्वन ओसुय दुक़ दुक़
अँछन बुक़ आयि यो
लॉवस लॉवस अंगस अंगस
तँतिस हंगस तँतिस हंगस
बबुर लागय टुक़ टुक़
अँछन बुक़ आयि यो
नँदरि माँसे यिताँसे
नँदरि ज्वला दिताँसे
वदान वदान लोगुय सुक़
अँछन बुक़ आयि यो

(३५)

मस्तानु माँज लॅजीयो

अस्तानन ज़ालय तीलु पाँज
मस्तानु माँज लॅजीयो
नाँल्य् त्रावुयो स्वनु वाँज
मस्तानु माँज लॅजीयो
दिवता छी सीरु बाँज
मस्तानु माँज लॅजीयो
अस्तानन ज़ालय तीलु पाँज
मस्तानु माँज लॅजीयो
खिरु खंडु हो बरय थाँज
मस्तानु माँज लॅजीयो
अस्तानन ज़ालय तीलु पाँज
मस्तानु माँज लॅजीयो
चानि बापत वस मे गाँज
अस्तानन ज़ालय तीलु पाँज
मस्तानु माँज लॅजीयो

(३६)

चु मु गछ गुमन गुमॉनुय

चु मु गछ गुमन गुमॉनुय
चु मु गछ गुमन गुमॉनुय
कजुल करॉय बुमॉनुय
चु मु गछ गुमन गुमॉनुय
सोर दूह वोतुम प्रारानुय
चु मु गछ गुमन गुमॉनुय
बॉय बंद छी विसानुय
चु मु गछ गुमन गुमॉनुय
कर्म लोन चोन असानुय
चु मु गछ गुमन गुमॉनुय
कनु दूर छी अलानुय
चु मु गछ गुमन गुमॉनुय
कंदु चंदु छी बरानुय
चु मु गछ गुमन गुमॉनुय
चु मु गछ गुमन गुमॉनुय

(३७)

बु वंदय शूश

बु वंदय शूश
तथ छुनु दूश
मॉल्य हबा औनुनय
क्वलु गामि कूंश
छृन्यु तव खोरन
नेरुम दोरन
तथ गछि कुर कुर
यॅड चलि पुर पुर
फेरुम शहरन
नेरुम दोरन
रंगु बसि गुर गुर
यॅड चलि पुर पुर

(३८)

रामाजी रामाजी

रामाजी रामाजी
निकस लॅसिनम मामाजी
रामाजी रामाजी
बिलस लॅसिनम मामाजी
पापाजी लॅसिनय
हँस्युतिस खँसिनय
रामाजी रामाजी
बिटस लॅसिन मामाजी
साँबु लालु लॅसिनय
आकाश खँसिनय
तस ति लॅसिनम मामाजी
रामाजी रामाजी
निकस लॅसिनम मामाजी

(३९)

चु कति कत्यो ओसुहम

चु कति कत्यो ओसुहम
नाबद बरय खॉस्य हन
दूदु बतु बरयो बॉस्य हन
चु कति कत्यो ओसुहम
न्यामन्न बरय खॉस्य हन
खँजुर बरय बॉस्य हन
चु कति कत्यो ओसुहम
नालस जरय लालु मन
खिरु खंडु बरय थालु हन
चु कति कत्यो ओसुहम
नाबद बरय बॉस्य हन
किशमिश बरय खॉस्य हन
चु कति कत्यो ओसुहम

(४०)

लालु फलि जिगरो, कालु कति ओसुहम

लालु फलि जिगरो, कालु कति ओसुहम
लालु फलि जिगरो, कालु कति ओसुहम
लक्ष्मी आंगन धनु मंगान ओसुहम
लालु फलि जिगरो, कालु कति ओसुहम
शारिकायि आंगन अन्न मंगान ओसुहम
लालु फलि जिगरो, कालु कति ओसुहम
रँगिन्यायि आंगन ओर जुव मंगान ओसुहम
लालु फलि जिगरो, कालु कति ओसुहम
सरस्वती मातायि ब्वद मंगान ओसुहम
लालु फलि जिगरो, कालु कति ओसुहम
कालिकायि आंगन आय मंगान ओसुहम
लालु फलि जिगरो, कालु कति ओसुहम
लालु फलि जिगरो, कालु कति ओसुहम

(४९)

बारु ज़ॉल्य् बागस वोवुमय लॉर ब्योल

बारु ज़ॉल्य् बागस वोवुमय लॉर ब्योल
खनुबॅल्य् वति नेरि म्योन खानुमोल
पतु पतु सोज़स पनुन दूदु मोल
बारु ज़ॉल्य् बागस वोवुमय लॉर ब्योल
रॅछिनय ख्वनि तय गरस मंज़ोल
बारु ज़ॉल्य् बागस वोवुमय लॉर ब्योल
ग्रटु प्यठु पिशिसय वुशकय ब्योल
रनु सय साला बरुसय लोल
बारु ज़ॉल्य् बागस वोवुमय लॉर ब्योल
करुसय माँज़िराथ बरुसय लोल
बारु ज़ॉल्य् बागस वोवुमय लॉर ब्योल

(४२)

क्वच्छि ह्यमथ

म्यानि जिगरो ललनावथ

क्वच्छि ह्यमथ

ललनावथ सुलनावथ

क्वच्छि ह्यमथ

द्वदु दानय फाँफुलावथ

क्वच्छि ह्यमथ

दामु दामय द्वद बु चावथ

क्वच्छि ह्यमथ

चूरि थावथ कस च्चु हावथ

क्वच्छि ह्यमथ

आँलु नाबद ख्यावनावथ

क्वच्छि ह्यमथ

बाशि करुहम बोलनावथ

क्वच्छि ह्यमथ

(४३)

मुलु तलु माय छम चॉनिये

जिगरुच वंदयो दॉनी दॉनी
मुलु तलु माय छम चॉनिये
सति सामानु हो रँछ लॉल चॉनी
स्व हा छय यँच रंबुवॉनिये
चु हा छुख आसुवुन तु स्व छि लूबुवॉनी
मुलु तलु माय छम चॉनिये
यथ पोशि बागस कँरुम बागवॉनी
सग दितुस शाह जीलॉनिये
रोशि अछु पोशि मति बाग छावॉनी
मुलु तलु माय छम चॉनिये
वेरि चानि पुरिथ थॉव नुंदुबॉनी
तोर लॉज अज़लय लॉनिये
नूरनि हूर छय पानु वॉनी
मुलु तलु माय छम चॉनिये

(४४)

तवय आव ओबरोय

छी छी बालि गोबुर ज़ाव
तवय आव ओबरोय
वंदु हय च़ोल बहार हय आव
फुलय दूरि वनन लँज
स्वंदर मालि तमना द्राव
तवय आव ओबरोय
फुलय लँज तु मेवु द्राव
छे शॉदी सॉनिस वॅबीलस
खसुन गुर तु वसुन्य नाव
तवय आव ओबरोय
छी छी बालि गोबुर ज़ाव
तवय आव ओबरोय

(४५)

गूर गूर गूर गूर

छी नय मॅच्ची कनन दूर

गूर गूर गूर गूर

यॅड सबूर आय पूर

गूर गूर गूर गूर

छी नय मॅच्ची कनन दूर

गूर गूर गूर गूर

सॉबु लालस बलाय दूर

गूर गूर गूर गूर

आय पूर उमर पूर

गूर गूर गूर गूर

ड्यकस टिकु बुथिस नूर

गूर गूर गूर गूर

छी नय मॅच्ची कनन दूर

गूर गूर गूर गूर

(४६)

लालु आमय शालु हर्यन श्वन्य करान

लालु आमय शालु हर्यन श्वन्य करान
लालु आमय शालु हर्यन श्वन्य करान
वच्चि दौलैच्च दूरि आमय अश करान
लालु आमय शालु हर्यन श्वन्य करान
स्वख तु स्वकरथ पानय आमय बाँगरान
लालु आमय शालु हर्यन श्वन्य करान
म्वख्तु जोरमस बालि आमय स्वन जरान
लालु आमय शालु हर्यन श्वन्य करान
सिर्धि चँद्रम अज़ छि लालस गथ करान
लालु आमय शालु हर्यन श्वन्य करान
हूरि तनि छस फँलिलु तय नाफय मलान
लालु आमय शालु हर्यन श्वन्य करान
नॉल्य् हँज़रु तु र्वनि ग्वड तस कित्य् गरान
लालु आमय शालु हर्यन श्वन्य करान
लालु आमय शालु हर्यन श्वन्य करान

(४७)

चितु बालन तय चितु बालन

चितु बालन तय चितु बालन
चितु बालन तय चितु बालन
छ्वन्य् छ्वन्य् करतो दंदु मालन
चितु बालन तय चितु बालन
कनु दूर गरुयि दून लालन
चितु बालन तय चितु बालन
वॅजिनस चॉनी मुह ज़ालन
चितु बालन तय चितु बालन
नाबद बरुयो स्वनु थालन
चितु बालन तय चितु बालन
कलि चानि ऑसुस नय नालन
चितु बालन तय चितु बालन
खसुवव फेरुनि पांचालन
चितु बालन तय चितु बालन

(४८)

चु कति ओसुख वुनिस ताम

चु कति ओसुख वुनिस ताम
चु कति ओसुख वुनिस ताम
प्यरन सुवुय ख्वरन ताम
चु कति ओसुख वुनिस ताम
मालु गरय टैड्यन ताम
चु कति ओसुख वुनिस ताम
ख्वनि मंज करय बु राम राम
चु कति ओसुख वुनिस ताम
मंजलि ललवथ सुबह शाम
चु कति ओसुख वुनिस ताम
माहरेन्य अनय गुल अंदाम
चु कति ओसुख वुनिस ताम
चु कति ओसुख वुनिस ताम

(४९)

द्वद कुनान वलॉय द्वद गूरी लोलो

द्वद कुनान वलॉय द्वद गूरी लोलो
द्वद कुनान वलॉय द्वद गूरी लोलो
राजि लालस फिरी द्वद टूरी लोलो
द्वद कुनान वलॉय द्वद गूरी लोलो
कनन गरुयो स्वनु दूर जूरी लोलो
द्वद कुनान वलॉय द्वद गूरी लोलो
नाव दौलत छुये किनु नूरी लोलो
द्वद कुनान वलॉय द्वद गूरी लोलो
अनंतनागुच हये रंगु ज़ूरी लोलो
द्वद कुनान वलॉय द्वद गूरी लोलो
ड्यकु फवलुवुन तु चेश्मु मस टूरी लोलो
द्वद कुनान वलॉय द्वद गूरी लोलो
रँछिखय बबन किनु माजि च़ुय कूरी लोलो
द्वद कुनान वलॉय द्वद गूरी लोलो
द्वद कुनान वलॉय द्वद गूरी लोलो

(५०)

कोस्तूर करय नाव

चतम द्वद तु लदय टूरि
कोस्तूर करय नाव
नागस स्रान कर्योम हूरि
बागुच ही चु चावख ना
लॉगिथ शीरु वुछथ दूरि
कोस्तूर करय नाव
खोतुहम सिरि सुली पूरि
रँछिथ र्वनि मंज़लिस मंज़
छिहम च्रोंग दज़ान जूरि
कोस्तूर करय नाव
ख्यावथ खंड तु शकर चूरि
गरय पानु कनय दूर
द्राहम बामन लावे मूरि
कोस्तूर करय नाव

(५९)

सानि गरि ज़ावय निकु बायि लोलो

सानि गरि ज़ावय निकु बायि लोलो
सानि गरि ज़ावय निकु बायि लोलो
कोरुथ क्या म्योनुय पायि लोलो
ऑठ र्यथ येलि मे अदा गॅये
नॅविमि र्यतु ज़ामय निकु बायि लोलो
त्रैयिमि दूहु त्रुयि बतु रनुनोवुम
फोत ह्यथ मे मालिन्य् आयि लोलो
कॅह्यमि दूहु द्रायस अँदरु न्यबर
खास्यन फिरवय चायि लोलो
बॅह्यमि दूहु ब्रांदस प्यठ कॅडिथ ओनुखो
स्वरगु मंज़ु पोश खोत आयि लोलो
त्रुवॉह्यमि दूहु आवय माल्युन क्रोन
ललुवान छय बंगॉल्य् बायि लोलो
रवनि मंज़ुलिस मंज़ करय गूर गूर
अँलुरान च्वंज़ु तय दायि लोलो
रंगुदार वोनय बँनियानाह
तथ लगन सलुये डायि लोलो
अनु प्रॉविश कॅरमय त्रे
थाल ओनुम स्वनु मुलु मायि लोलो
वोहरुवोद चोनुय येलि वोतुम
ज़ियाफ़च्चु कर्यम बे वायि लोलो
येमि विज़ि द्राहम चाटु हालस
वनु वुनि विग्य्ने द्रायि लोलो
च्वचि बॉगरनि बु पानु द्रायस
खानु मॉलिस लग्यम आयि लोलो

सानि गरि ज़ावय निकु बायि लोलो

(५२)

हो तु हो सँलिये

हो तु हो सँलिये
ग्वलाब थर्यन तँलिये
मोज यियी वँलिये
स्व छय व्वटि लिवान दान
अनी म्वंगु फँलिये
हो तु हो सँलिये
मोल यियी वँलिये
सु छुय गोमुत स्वनुर्य वान
बुंगरि अनी मँलिये
हो तु हो सँलिये
बोय यियी वँलिये
सु छुय गोमुत छानु वान
ख्राविहन अनी मँलिये
हो तु हो सँलिये
बेनि यियी वँलिये
स्व छय गँमुन्न अस्तान
अनी नूर फँलिये
हो तु हो सँलिये

(५३)

व्वलु व्वलु शोक पॅछी नो

व्वलु व्वलु शोक पॅछी नो

व्वलु व्वलु शोक पॅछी नो

नेंदुर करुन्यु तॅजी नो

व्वलु व्वलु शोक पॅछी नो

वातख मकु मॅदीनो

व्वलु व्वलु शोक पॅछी नो

म्यॉन्यु वॉचुय शेछी नो

व्वलु व्वलु शोक पॅछी नो

अॅछ प्यठ ज़रय मॅछी नो

व्वलु व्वलु शोक पॅछी नो

व्वलु व्वलु शोक पॅछी नो

(५४)

ख्वनि हय ललवथ कूरिये

व्वलय व्वलय कूरिये
ख्वनि हय ललवथ कूरिये
अबा जानुन्य कूरिये
ख्वनि हय ललवथ कूरिये
कोस्तूर्य वनुच हूरिये
ख्वनि हय ललवथ कूरिये
नाव हय करय कूरिये
ख्वनि हय ललवथ कूरिये
ख्यावथ द्दु बतु कूरिये
ख्वनि हय ललवथ कूरिये
ख्वनि हय ललवथ कूरिये
बब हय वाती यूरिये
ख्वनि हय ललवथ कूरिये
अनी हय स्वनु दूर जूरिये
ख्वनि हय ललवथ कूरिये
व्वलय व्वलय कूरिये
ख्वनि हय ललवथ कूरिये

(५५)

निकस साल मातामाल

निकस साल मातामाल
निकस साल मातामाल
मातामालव कोरुय साल
जुलिथ ठूल, खुलिथ दाल
निकस साल मातामाल
निकस साल मातामाल
चु वुछ मामु सुंजुय चाल
निकस सॉनिस कोरुन साल
निकस साल मातामाल
निकस साल मातामाल
चुंडु तु ग्रुंडम म्वंगु दाल
ओखुन सॉबस खतनहाल
निकस साल मातामाल
निकस साल मातामाल
अनय रीशमी रुमाल
चुय छुख जौहर चुय छुख लाल
निकस साल मातामाल
निकस साल मातामाल

(५६)

म्यॉन्य् डोलन मॉलिये

म्यॉन्य् डोलन मॉलिये
म्यॉन्य् डोलन मॉलिये
तथ छि बंदु बंदु वॉलिये
म्यॉन्य् डोलन मॉलिये
महराज़स नॉलिये
म्यॉन्य् डोलन मॉलिये
तथ छे म्वख्तुहार चॉलिये
म्यॉन्य् डोलन मॉलिये
तोतु लालस नॉलिये
म्यॉन्य् डोलन मॉलिये
राजि रेनि किन्न डॉलिये
म्यॉन्य् डोलन मॉलिये
म्यॉन्य् डोलन मॉलिये
म्यॉन्य् डोलन मॉलिये

(५७)

छुमय लालस ग्वडन्युक द्वह

मे छि शे तु त्रे नव जोरु नालस
छुमय लालस ग्वडन्युक द्वह
बबु लालुनिस जोरि दुशालस
छुमय लालस ग्वडन्युक द्वह
सति सिनि बतु बाँगरुन कालस
छुमय लालस ग्वडन्युक द्वह
चेन्यु किञ्च कंदु शर्बत वालस
छुमय लालस ग्वडन्युक द्वह
लुकु सासस पृछय सालस
छुमय लालस ग्वडन्युक द्वह
बरसय मुतुहन मंज़ स्वनु थालस
छुमय लालस ग्वडन्युक द्वह

(५८)

दिल गोम शाद मे अमि छ्वनि छ्वन्यय

मंजुलिस चॉनिस गंजिमय र्वन्यय
दिल गोम शाद मे अमि छ्वनि छ्वन्यय
नालस चॉनिस गंजिमय र्वन्यय
दिल गोम शाद मे अमि छ्वनि छ्वन्यय
जामन चान्यन गंजिमय र्वन्यय
दिल गोम शाद मे अमि छ्वनि छ्वन्यय

(५९)

सोन व्वलो मति जानानो

डेडि तल बु वोतुस पानय
सोन व्वलो मति जानानो
चानि यिनु वॅरिम सामानय
सोन व्वलो मति जानानो
बु करय च्चे पोशि दसवानय
सोन व्वलो मति जानानो

(६०)

लाला दूर गरय निकिये निकिये

लाला दूर गरय निकिये निकिये
लाला दूर गरय निकिये निकिये
लाला कोर्यन करुवो येतिये
लाला दूर गरय निकिये निकिये
लाला पोशन करुयो पॅतिये
लाला दूर गरय निकिये निकिये
लाला बाँय बंद ऑसिनय येतिये
लाला दूर गरय निकिये निकिये
क्वच्छि रोछुनख माजि बगवँतिये
लाला दूर गरय निकिये निकिये
दशो गंजिमय मे सुलि परबँतिये
लाला दूर गरय निकिये निकिये
अथु डोलुनय पानु पारवँतिये
लाला दूर गरय निकिये निकिये
लाला दूर गरय निकिये निकिये

(६१)

क्वसू द्यद वंदुनय

लालु फलि चंदुनय
क्वसू द्यद वंदुनय
द्यदु छय वाराह
तु क्वसु अख वंदुनय
लालु फलि चंदुनय
क्वसू द्यद वंदुनय
म्यानि अकुनंदुनय
क्वसू द्यद वंदुनय
क्वच्छि मंज़ गिंदुनय
क्वसू द्यद वंदुनय
बेनि हो ग्वंदुनय
क्वसू द्यद वंदुनय
न्याय छिमा अंदुनय
क्वसू द्यद वंदुनय
खंडुनय तु कंदुनय
क्वसू द्यद वंदुनय
लालु फलि चंदुनय
क्वसू द्यद वंदुनय

(६२)

गूर करुयो दुरदानो, बु हा ल्वलि ह्यमथ

गूर करुयो दुरदानो, बु हा ल्वलि ह्यमथ
गूर करुयो दुरदानो, बु हा ल्वलि ह्यमथ
शौक छुयो अछिवलुक, बु हा तूर्य निमथ
गूर करुयो दुरदानो, बु हा ल्वलि ह्यमथ
शौक छुयो पहलगामुक, बु हा तूर्य निमथ
गूर करुयो दुरदानो, बु हा ल्वलि ह्यमथ
शौक छुयो वेरनागुक, बु हा तूर्य निमथ
वेरनागुक्य् चेरु पोशो, बु हा तूर्य निमथ
गूर करुयो दुरदानो, बु हा ल्वलि ह्यमथ
शौक छुयो पांपरुक, बु हा तूर्य निमथ
पांपरुकि क्वंगु पोशो, बु हा ल्वलि ह्यमथ
गूर करुयो दुरदानो, बु हा ल्वलि ह्यमथ
शौक छुयो क्वकरनागुक, बु हा तूर्य निमथ
क्वकरनागु के ख्वश हवावो, बु हा ल्वलि ह्यमथ
गूर करुयो दुरदानो, बु हा ल्वलि ह्यमथ
गूर करुयो दुरदानो, बु हा ल्वलि ह्यमथ

(६३)

गूर करुयो दूरय फलि लोलो

गूर करुयो दूरय फलि लोलो
गूर करुयो दूरय फलि लोलो
माजि रोछुखो मंज बाग ल्वलि लोलो
गूर करुयो दूरय फलि लोलो
बे औलाद क्या सना करि लोलो
क्वठि डलि तय शांदु मा डलि लोलो
बे सरसुय मछ कुस खलि लोलो
गूर करुयो दूरय फलि लोलो
माजि रोछुखो मंज बाग ल्वलि लोलो
गूर करुयो दूरय फलि लोलो
मॉल्य् रोछुनख गौंडुनख हलि लोलो
बेनि रोछुखो बायि म्यानि कलि लोलो
प्वफु छयो वुछन थलि थलि लोलो
गूर करुयो दूरय फलि लोलो
माजि रोछुखो मंज बाग ल्वलि लोलो
गूर करुयो दूरय फलि लोलो
पेचनि रोछुखो हतवार कलि लोलो
मामन्य् द्यद छयो वुछन थलि थलि लोलो
सोरुय कॅबीलु चानि गांगलि लोलो
गूर करुयो दूरय फलि लोलो
माजि रोछुखो मंज बाग ल्वलि लोलो
गूर करुयो दूरय फलि लोलो
गूर करुयो दूरय फलि लोलो
गूर करुयो दूरय फलि लोलो

(६४)

गोबरु लालो लॅजियो पनुन्य् मॉजिये

गोबरु लालो लॅजियो पनुन्य् मॉजिये
गोबरु लालो लॅजियो पनुन्य् मॉजिये
येम्य् च्चे दिच्चय द्ददस शेयत्रुह नॉजिये
गोबरु लालो लॅजियो पनुन्य् मॉजिये
जिगर गोशो स्व गच्छि करुन्य् रॉजिये
गोबरु लालो लॅजियो पनुन्य् मॉजिये
येम्य् च्चे दिच्चय च्चु नि यि शेयत्रुह नॉजिये
गोबरु लालो लॅजियो पनुन्य् मॉजिये
अँछन हुंदि गाशो स्व गच्छि करुन्य् रॉजिये
गोबरु लालो लॅजियो पनुन्य् मॉजिये

(६५)

काव करान टाव टाव

काव करान टाव टाव
गोबुरु लालस मोल आव
काव करान टाव टाव
काव करान टाव टाव
गोबुरु जानस टोठ आव
काव करान टाव टाव
खानु माजि कोरि माम आव
काव करान टाव टाव
बापथुरस पेतुर आव
काव करान टाव टाव
काव करान टाव टाव

(६६)

करयो लॅदुर मालि चाने पोट

करयो लॅदुर मालि चाने पोट
छुहमो माजि भवानि हुंद टोठ
करयो लॅदुर मालि चाने पोट
छुहमो माजि शारिकायि हुंद टोठ
करयो लॅदुर मालि चाने पोट
छुहमो लक्ष्मी मातायि हुंद टोठ
करयो लॅदुर मालि चाने पोट
छुहमो माजि रॉगिन्यायि हुंद टोठ
करयो लॅदुर मालि चाने पोट
छुहमो पनुनि मातायि हुंद टोठ
करयो लॅदुर मालि चाने पोट
छुहमो पनुनिस बबु सुंद टोठ
करयो लॅदुर मालि चाने पोट
छुहमो पनुनि बेन्य् देदि हुंद टोठ
करयो लॅदुर मालि चाने पोट
छुहमो पनुनिस बॉयिस टोठ
करयो लॅदुर मालि चाने पोट
छुहमो माजि भवानि हुंद टोठ

(६७)

कोतुय गोमय रेंज़ल म्योन

कोतुय गोमय रेंज़ल म्योन
कोतुय गोमय रेंज़ल म्योन
योर मय आव म्योन नुंदबोन
कोतुय गोमय रेंज़ल म्योन
दरु बाय माजि पृछोम
योर मय आव रेंज़ल म्योन
रेंज़ल हय चोन, गोबुर हय छु म्योन
योर नय आव रेंज़ल चोन
कौलु बाय मासि पृछोम
योर मय आव रेंज़ल म्योन
रेंज़ल हय चोन दूर फोल म्योन
योर नय आव रेंज़ल चोन
बाँय राजस आँद्य वन्योम
ड्युंठुथन मा च्चे म्योन कर्म लोन
कर्म लोन चोन छु शेर ताज सोन
मे नय वुछमय रेंज़ल चोन
कोतुय गोमय रेंज़ल म्योन
कोतुय गोमय रेंज़ल म्योन

(६८)

शे त्रे नव जोर छिमय नालस

शे त्रे नव जोर छिमय नालस
मे छय लालस नालस दूद
शे त्रे नव जोर छिमय नालस
मे छय लालस नालस दूद
येज़य मानस ग्वलाब प्यालस
मे छय लालस नालस दूद
शे त्रे नव जोर छिमय नालस
मे छय लालस नालस दूद
शे त्रे नव जोर छिमय नालस
मे छय लालस नालस दूद
बॉबी लालुनिस हुस्न जमालस
मे छय लालस नालस दूद
खुदॉय योछुसय पूरि कमालस
मे छय लालस नालस दूद
शे त्रे नव जोर छिमय नालस
मे छय लालस नालस दूद
मामय लालस लालु ग्वलालस
मे छय लालस नालस दूद
खुदॉय योछुसय अथ खत खालस
मे छय लालस नालस दूद
शे त्रे नव जोर छिमय नालस
मे छय लालस नालस दूद

(६९)

स्वनु म्वलु गरय कनु वॉल्य्

स्वनु म्वलु गरय कनु वॉल्य्
ही मॉल्य् करय नाव
येलि दॅय च्चु ज़ायख बॉल्य्
ज्यनु चानि क्याह पोर चाव
नीनख रँछिख दूदु मॉल्य्
ही मॉल्य् करय नाव
चाटु हाल च्चु गॅयख बॉल्य्
गाटुजारु लॅगी तार
किताबु त्राव्यथ नॉल्य्
ही मॉल्य् करय नाव
शाह ज़ादु आमुत सॉल्य्
रोकन हय व्वथरावोस
ज़रबाफ शूबी नॉल्य्
ही मॉल्य् करय नाव

(७०)

स्वचलि मंजोम अंजोलये

स्वचलि मंजोम अंजोलये
स्वचलि मंजोम अंजोलये
बॉय हय गर्योम मंजोलये
ताजाह लॉगिथ व्वजोलये
राजाह लॉसिनम म्वलोलये
स्वचलि मंजोम अंजोलये
स्वचलि मंजोम अंजोलये
अँछन कोरमस कजोलये
ख्योन हय द्युतुमस स्वकोलये
छु राजि म्योनुय मछ्योलये
मासन तु प्वफन छु लोलये
स्वचलि मंजोम अंजोलये
स्वचलि मंजोम अंजोलये

(७१)

चरि हन चरि हन, चरि हन चरि हन

चरि हन चरि हन, चरि हन चरि हन
राजि लदि लरि हन, चरि हन चरि हन
बाला दरि हन, चरि हन चरि हन
वलय पोंबरि हन, चरि हन चरि हन
अनय रंगु चरि हन, चरि हन चरि हन
फॅजी ही थरि हन, चरि हन चरि हन
मछि गंडय गरि हन, चरि हन चरि हन
चरि हन चरि हन

(७२)

दुर दुर होन्यो छैनियो नस

दुर दुर होन्यो छैनियो नस
दुर दुर होन्यो छैनियो नस
बु हा गिंदु पनुनिस निकु लालस
निकु निमन मासि देदि हुंद सालस
दुर दुर होन्यो छैनियो नस
दुर दुर होन्यो छैनियो नस
बिटु लालस कित्य अनव निक्यु निक्यु टंग
टंग ख्यमव पानस च्चे दिमय डंग
दुर दुर होन्यो फुटयो जंग
दुर दुर होन्यो फुटयो जंग
दुर दुर होन्यो छेनुयो कन
दुर दुर होन्यो छेनुयो कन
निका निका छ्वपु कर कनन त्रावय पन
कनन त्रावय पन, कनन त्रावय पन
दुर दुर होन्यो छेनुयो कन
दुर दुर होन्यो छैनियो नस
दुर दुर होन्यो फुटयो जंग
दुर दुर होन्यो छेनुयो कन

(७३)

चोन मातामाल पलुहालन छुम

चोन मातामाल पलुहालन छुम
चोन मातामाल पलुहालन छुम
अगर तिम बोऒुनय, मिठायि डालि सोऒुनय
मलायि हर क्याह दूदु प्यालन छुम
चोन मातामाल पलुहालन छुम
निंदरे प्यतुमो माम हो आवुय
न्यामचु बॅर्य बॅर्य चिन्यु प्यालन छुम
चोन मातामाल पलुहालन छुम
मामाजियन बूऒुयो, प्वशाख डालि सोऒुनयो
क्यमखाब बेयि बेयि जॅरी लालम छुम
चोन मातामाल पलुहालन छुम
लालि फलि म्यान्यो पलुहालन छुम
चोन मातामाल पलुहालन छुम

(७४)

तला कन, तला कन

तला कन, तला कन
कनन छुनय म्वख्तु मन
तला कन, तला कन
राजि सॉबस स्वनु तन
तला कन, तला कन
कनन त्रावय न्यूल पन
तला कन, तला कन
तन तु मन
तला कन, तला कन

(७५)

पकान पकान नाबद टकान

पकान पकान नाबद टकान
पकान पकान दॅम्युदु टकान
पकान पकान असान तु गिंदान
पकान पकान, म्वख्तु छकान
पकान पकान पोंबुर वलान
पकान पकान कोफूर मलान
पकान पकान नाबद टकान

(७६)

ल्वकटि श्राकु पुचे लो

बायि म्यानि बचे लो
ल्वकटि श्राकु पुचे लो
बायि म्यानि बचे लो
ल्वकटि श्राकु पुचे लो
लालु म्यानि बचे लो
ल्वकटि श्राकु पुचे लो
टाठि म्यानि बचे लो
ल्वकटि श्राकु पुचे लो
म्वख्तय हारु बचे लो
ल्वकटि श्राकु पुचे लो
प्वख्तय कारु बचे लो
ल्वकटि श्राकु पुचे लो
बायि म्यानि बचे लो
ल्वकटि श्राकु पुचे लो

(७७)

थपुवास थपुवास

अथुवास अथुवास, थपुवास थपुवास
साँबु लालस कोठय आस, थपुवास थपुवास
अथुवास अथुवास, थपुवास थपुवास
ल्वकुट म्वकुट राम दास, थपुवास थपुवास
मोल छुस कालु दास, थपुवास थपुवास
सु छुय गोमुत काँलास, थपुवास थपुवास
दान दिमव र्वपयि सास, थपुवास थपुवास
वरि करव खास खास, थपुवास थपुवास
अथुवास अथुवास, थपुवास थपुवास

(७८)

आयिर्य बलो

आयिर्य बलो
राजस वलो
अमृतु फलो
आयिर्य बलो
वलो वलो
आयिर्य बलो
मो कर छलो
आयिर्य बलो
चॉन्य मे कलो

(७९)

चरि पोप चरि पोप

चरि पोप चरि पोप
बॉय ओनुय दां पोप
सुय ख्यव असे
निकु लालु लसे
चरि पोप चरि पोप
पतु गिंदव अँन्य थोप
जून चँदुर खसे
निकु लालु लसे
चरि पोप चरि पोप
मॉल्य ओनुय दां पोप
सुय ख्यव असे
लायुन द्रसे
श्रावुन बसे
सोन दिल असे
निकु लालु लसे

(८०)

आयि गरि मायि गरि

आयि गरि मायि गरि
निकस साँनिस जंगु दरि
चु ति वन साँ बडि बडि
बिलू जीयस जंगु दरि
बु हा लागस बँगरि नरि
निकु लालस लोल बरि
आयि गरि मायि गरि
निकस साँनिस जंगु दरि
सुबहन शामन पूज करि
निकु लाल गीता परि
आयि गरि मायि गरि
निकस साँनिस जंगु दरि
बवु सर सरु करि
तारु अपोर तरि
आयि गरि मायि गरि
निकस साँनिस जंगु दरि

(८१)

शिहिज नैदुर पावुयो

बिश्तु ब्रोर आवुयो
शिहिज नैदुर पावुयो
खंड तु नाबद ख्यावुयो
बिश्तु ब्रोर आवुयो
दुदु ग्वला चावुयो
पानय मनुनावियो
किशमिश आपरावियो
शिहिज नैदुर पावुयो
न्यामँच्च अनुनावुयो
अतलास सुवुनावुयो
मामाजि हो आवुयो
रेडियो मंगुनावुयो
शिहिज नैदुर पावुयो
बिश्तु ब्रोर आवुयो
खंड तु नाबद ख्यावियो

(८२)

दारि किन्ऱ हय ङाव

गाशु मोत हय आव
दारि किन्ऱ हय ङाव
सुलि सुले द्राव
गाशि मोत हय आव
दारि किन्ऱ हय ङाव
पोंबर छिसय फेतिये
निकु लालस कितिये
हेतिमस हय लागुन्य
गँयसय रुत्य् रुत्यये
रातस रटुहोन येतिये
पोशन करुहोस फँतिये
गाशु मोत हय आव
दारि किन्ऱ हय ङाव

Source: 'manzûl' bâth'.

Publication of Jammu & Kashmir Academy of Art, Culture & Languages,
Srinagar. Edition - 1990

Transformed into Devanagari-Kashmiri script by M.K.Raina

Work completed on 13 June 2005.
